

आकाशवाणी

खबरां

- प्रधानमंत्री नरेन्द्र मोदी होरें अज्ज असम च 47 ज्हार 8 सौ करोड़ रुपें दियें बक्ख-बक्ख विकास परियोजनाएं गी शुरु कीता। प्रधानमंत्री किसान सम्मान निधि स्कीम दी 22 किशत बी कीती बागुजार।
- पाकिस्तान फौज नै अफगानिस्तान दे केइयें प्रांतें च ताजा बमबारी कीती जनानियें ते बच्चें दीयां होइयां मौतां।
- अमरीका –इजरायल ते ईरान बश्कार छिड़ी दी जंग करी पच्छिम एशिया च तनोतनी बधा रदी ऐ।
- भारती मौसम विभाग नै कल अरुणाचल प्रदेश- असम ते मेघालय च भारी बरखा पौने दी पेशनगोई कीती ऐ।
- ते Swiss Open Badminton दे Quarter Final च सात्विक साईराज रंकी रेड्डी ते चिराग शेट्टी दी भारती जोड़ी दा मुकाबला- डेनमार्क दे क्रिशचियन कजेर ते रासमस कजेर कन्नै बसेल च होगा।

<><><><><><>

PM

प्रधानमंत्री नरेन्द्र मोदी अज्ज अपने दंऊ दिनें दे दौरे लेई असम पुज्जे। इस दरान प्रधानमंत्री होरें 47 ज्हार 8 सौ करोड़ रुपें शा मते दियें बक्ख-बक्ख विकास परियोजनाएं दा लोकार्पण ते शिलान्यास कीता। प्रधानमंत्री अज्ज दपैहरी मगरा कोकराझार पुज्जे ते भूमि पूजन करियै 4 ज्हार 570 करोड़ रुपें दी लागत कन्नै त्यार होने आलियें केइयें परियोजनाएं गी शुरु करोआया। इस मौके पर प्रधानमंत्री होरें BTC क्षेत्र च असम माला 3.0 सड़क परियोजना फ्लाई ओवर दे दंऊ पुलें दी नींह रक्खी। प्रधानमंत्री होरें कोकराझार जिले दे बसबारी च रेलवे मरम्मती कार्यशाला दा नींह पत्थर रखने दे कन्नो-कन्नो त्रै नमियें रेलगड्डियें गी सैली झंडी दस्सियै रवाना कीता। एह रेलगड्डियां न- कामाख्या-चारलापल्ली- अमृत भारत एक्सप्रेस- गोहाटी- नई जलपाई गुडी एक्सप्रेस ते नारंगी- अगरतला एक्सप्रेस- प्रधानमंत्री होरें राज्य दे 34एं जिलें लेई 36एं नमें पुलें दा नींह पत्थर बी रक्खेआ। प्रधानमंत्री गुवाहाटी च तकरीबन 19 ज्हार 680 करोड़ रुपे दियें विकास परियोजनाएं दा शिलान्यास ते उदघाटन कीता। प्रधानमंत्री होरें राज्य दे योग्य- चाय बागान श्रमिकें गी प्रतीकात्मक रुपै नै जिमी दे पट्टे सौपे ते डेढ़ सौ शा मते करसानें गी पी.एम. करसान योजना 22मीं किशत बागुजार कीती। प्रधानमंत्री कल सिल्चर च 23 ज्हार 550 करोड़ रुपें दियें बक्ख-बक्ख परियोजनाएं दा नींह पत्थर रक्खगंन ते उ'नेंगी देसै गी समर्पित करगंन।



Pak-Afganistan

पाकिस्तान नै काबुल- कंधार- पक्तियां ते पक्तिका समेत अफगानिस्तान दे केइयें प्रांते पर फौजी हमले कीते। तालिबान दे प्रवक्ता जबीउल्लाह मुजाहिद नै अज्ज एह जानकारी दिंदे होई आखेया जे इनें हमलें च जनानियें ते ज्यानें दियां मौतां होइयां ना। इनें हमलें करी अफगानिस्तान ते पाकिस्तान दे बन्ने पर तनोतनी बधी गई ऐ। तालिबान नै इनें हमलें गी अफगानिस्तान दी खुदमुख्तयारी दी उल्लंघना दस्सेआ ऐ। प्रवक्ता नै दस्सेआ जे पाकिस्तानी फौज नै अफगानिस्तान पर परतियै बमबारी कीती ऐ।



LS Adjournment

लोकसभा दी कार्यवाही रसोई-गैस –एल.पी.जी समेत बक्ख-बक्ख मुद्दें पर चर्चा दी मंग गी लेइयै विपक्ष दे हंगामे करी दपैहरी 2 बजे तक लेई स्थगित करी दिती गई। पैहले स्थगन मगरा सदन दी कार्यवाही फही शुरु होने पर पीठासीन अधिकारी संध्या राय नै विरोध करा'रदे विपक्षी सदस्यें गी सदन गी ढंगै सिर चलन देने दी विनती कीती। संसदीय कार्य मंत्री किरन रिजिजू होरें आखेआ जे विपक्षी नेता- संसद दे अहाते च- खाने-पीने आहलियां चीजां आनियै ते रुकावटां पैदा करियै अनुशासनहीनता दा प्रदर्शन करा'रदे ना। उ'नें आखेआ जे पूरा मुलख उ'दे व्यवहार गी दिक्खा'रदा ऐ- जेडा के लोकवाद दी गरिमा लेई मुनासब नेंई ऐ। संसदीय मामले दे मंत्री किरन रिजिजू होरें आखेआ जे कांग्रेस दे सदस्यें दे आचरण दा स्तर दिनों-दिन डिगदा जा'रदा ऐ। एहदे शा पैहले जिसलै 11 बजे सदन दी कार्यवाही शुरु कीती गई ही- स्पीकर ओम बिरला होरें प्रश्नकाल शुरु करने दी कोशिश कीती- पर विपक्षी सदस्य- अपने मुद्दें पुट्टने लेई खडोई गो। स्पीकर होरें आखेआ जे प्रश्नकाल इक महत्वै आला समां हुंदा ऐ- जिसलै सदस्य राष्ट्रीय ते क्षेत्रीय मुद्दें पुट्टे ना। उ'नें आखेआ किश सदस्य संसद दी कार्यवाही च रुकावटां पैदा करा'रदे न जेडा कि संसदीय मर्यादा दे खिलाफ ऐ।



Prasar Bharti Rajya Sabha

सरकार नै अज्ज आखेआ जे प्रसार भारती आसेया बनाई गेदी जां कमीशन कीती गेदी समग्री दा Copyright प्रसार भारती कश ऐ ते मीडिय प्रोडक्शन हाउसें आसेया Copyright उल्लंघन दा कोई हालिया मामला सामने नेंई आया ऐ। सूचना ते प्रसारण मंत्री डाक्टर एल. मुरुगन होरें राज्यसभा च लिखित परते च दस्सेया जे प्रसार भारती बिचौले मंचें पर- निजि उपभोक्ताएं आसेया Copyright उल्लंघना दी बरोबर निगरानी करदा ऐ।



West Asia Conflict

ईरान- इजरायल ते अमरीका बश्कार चला'रदा संघर्ष बडी तेजी नै पच्छिम एशिया च बी बधी गेआ ऐ। दुबई च अधिकारियें दा आखना ऐ जे अज्ज शहरै दे किश हिस्सें च सनोचने आहले बम-धमाके-हवाई सुरक्षा प्रणालियें आसेया- हमले गी नाकाम करने करी होए हे। उयां एहदे च कुसै दे घायल होने दी खबर नेंई ऐ। दुबई दे अधिकारियें सबनें नागरिकें लेई एहतियाती निर्देश जारी कीते ना। भारती हवाई कम्पनियां एयर- इंडिया ते इंडीगो- बल्ले-बल्ले अपनियां डोआरियां ब्हाल करा'रदियां ना। एयर इंडिया समूह इसलै इस क्षेत्र आस्तै 78 तयशुदा ते अनियमित सेवां संचालित करा'रदा ऐ। कन्नै गै संयुक्त अरब अमीरात ते सऊदी अरब थमां औने जाने-आले यात्रुएं लेई बादूडु डोआरियां बी हासल ना। सम्पर्क गी ब्हाल करने लेई इंडीगो नै पच्छिम एशियाई थाहरें लेई अपनियां सेवां फही शुरु करी दितियां ना। अमीरात दे अधिकारियें दा आखना ऐ जे स्थिति काबू च ऐ। उनें नागरिकें गी अपील कीती जे ओ छड़ा अधिकारिक सूचनाएं पर गै भरोसा करना।

<><><><><><>

IMD Weather

मौसम विभाग नै कल अरुणाचल प्रदेश- असम ते मेघालय च तेज बरखा पौने दी संभावना जाहर कीती ऐ। छत्तीसगढ़- विदर्भ- पंजाब- पच्छिम बंगाल ते गांगेय इलाके- सिक्किम ते उत्तराखंड च तेज हवाएं कन्नै बरखा होई सकदी ऐ। मझाटले महाराष्ट्र- अरुणाचल प्रदेश- असम- मेघालय- मराठवाड़- नागालैंड- मणिपुर- मिज़ोरम- त्रिपुरा ते राजस्थान च बी कल नेही गै स्थिति बने रौहने दी संभावना ऐ। तोंआई हिमाचल प्रदेश- कोंकण ते गोआ च लू चलने दी शंका ऐ ते गुजरात च मौसम गर्म ते हुम्मां आला बने दा रौहगा। मौसम विभाग नै आखेआ ऐ जे जम्मू-कश्मीर च औंदी 20 मार्च धोड़ी मौसम दी स्थिति च मता उतार-चढ़ाव दिक्खने गी लब्बगा। इस अवधि दरान पदरे इलाकें च रूकी-रूकियै बरखा ते उच्चिं धारें प बर्फबारी होग। स्हाडे संवाददाता नै जानकारी दित्ती ऐ जे अज्ज ते कल बी मौसम आमतौरा पर खुश्क रौहग ते 15 मार्च गी संझा'लै अंधी-झक्खड़ झुलने ते एहदे मगरा 15 मार्च गी रातीं ते 16 मार्च गी बडुलै किश थाहें पर हल्की थमां दरम्याने दर्जे दी बरखा बरने ते बर्फबारी होने दे असार ना। एहदे परेंत औंदी 17 थमां 20 मार्च धोड़ी मौसम बदलोखड़ा बने दा रौहग ते इस दरान बरखा यां बर्फबारी दे असार बने दे रौहडन।

<><><><><><>

Railway Punctuality

रेल मंत्री अश्विनी वैष्णव होरें भारती रेलवे दे समें गी लेइयै अनुशासित रौहने च सुधार दा जिक्र करदे होई दस्सेया जे कुल 77 प्रतिशत रेलगडडियां तयशुदा समें चला'रदियां ना। 24एं रेल डिविजनें च समें-सिर रेल यात्रा रम्भनें गितै 90 प्रतिशत दा आंकड़ा दर्ज कीता ऐ। राजसभा च प्रश्नकाल दौरान

परता दिंदे होई अश्विनी वैष्णव होरें आखेआ जे समें-सिर यात्रा रम्भनें दा माप- तयशुदा- समें-सीमा दे अंदर-अंदर पुज्जने आलियें रेलगड्डियें दे प्रतिशत कन्नै कीता जंदा ऐ। उंनें दस्सेआ जे रेलवे नै अपने व्यापक नैटवर्क दे प्रदर्शन च सुधार लेई केंई रणनीतियां अपनाई दियां ना।

<><><><><><>

Army Commander –Basantgarh

उत्तरी कमान दे सेना कमांडर लैफ्टिनेंट जनरल प्रतीक शर्मा होरें बसंतगढ दा दौरा लाइयै मजूदा सुरक्षा हालात ते जारी आतंकवाद-रोधी अभियानें दा जायजा लैता। इस मौके पर उनेंगी संगठित खूफिया ग्रिड ते खित्ते च सुरक्षा सरबन्धी हीलें बारे जानकारी दिती गई। इस दरान सबनें सरबन्धत धडे दे तालमेल कन्नै सुरक्षा ढांचे गी निगगर बनाने बारे तफसीली सलाह-सूत्तर कीता गेआ। फौजी कमांडर होरें तैनात जोआने कन्नै गल्लबात करदे होई जम्मू-कश्मीर गी आतंकवाद शा मुक्त बनाई रक्खने लेई उन्दे पेशेवराना रौंस ते मजबूत धेइये दी सराहना कीती।

<><><><><><>

Swiss Open Badminton

स्विस ओपन बैडमिंटन टूर्नामेंट दे मर्दे दे डब्लस क्वार्टर फाईनलच अज्ज सात्विक साईराज रंकी रेड्डी ते चिराग शेट्टी दा मुकाबला- डेनमार्क दे क्रिशचियन कजेर ते रासमस कजेर कन्नै होगा। रंकी रेड्डी ते शेट्टी नै जापान दे हिरोकी ओकामुरा ते क्योहेई यामाशिता की सख्त मुकाबले च 21-15, 15-21, 28-26, कन्नै हराई दिता। तोंआई मर्दे दे सिंगल्स च भारत दे यारुन मन्नेपल्ली बी क्वार्टर फाईनल च पुज्जी गे ना। उंनें मलेशिया दे जस्टिस होरें गी 21-14, 22-20 कन्नै हराया।

<><><><><><>

Boxing

बैंकाक च विश्व मुक्केबाजी फ्यूचर्स कप 2026 दे 5में दिन भारत दी युवा मुक्केबाजी टीम नै शानदार प्रदर्शन कीता। गुंजन- राधामणि- लांगजम ते चंद्रिका पुजारी नै अपने-अपने मुकाबलें च जित्त हासल कीती। गुंजन नै पोलैंड दे मुक्केबाज गी 5-0 कन्नै हराया। उत्थै गै राधामणी नै पैहले दौर च इक्केडोर दे खड्डारी गी शिकस्त दिती- पर प्राची गी स्लोवाकिया दे मुक्केबाज ते प्रियांस सेहरावत गी मोरक्को दे खड्डारी थमां हार झल्लनी पेई। मगरा संजा आले सत्र च चंद्रिका पुजारी नै 50 किलोग्राम वर्ग च अमरीका दे खड्डारी पर जित्त हासल कीती।

<><><><><><>

Addl. Disaster Aid

अज्ज इक अधिकारिक ब्यान च आखेआ गया ऐ जे केन्द्र नै बरे 2025 च हाड़- बद्दल फटने- भूंचाल ते चक्रवात “मोंथा” कन्नै प्रभावित 5 राज्यें ते केन्द्र शासत प्रदेश जम्मू-कश्मीर गी इक ज्हार 912 करोड़

99 लकख रुपें दी अतिरिक्त माली मदाद दी मंजूरी देई दिती ऐ। एह फैसला केन्द्री गृहमंत्री अमित शाह हुंदी अध्यक्षता आहली उच्च स्तरीय कमेटी नै लैता ऐ। इनें 5 राज्यें च आंध्र-प्रदेश- छत्तीसगढ़- गुजरात- हिमाचल प्रदेश ते नागालैंड ते केन्द्र शासित प्रदेश च जम्मू-कश्मीर दा नांऽ शामिल ऐ।

<><><><><><>

Hajj Pilgrimage

जम्मू-कश्मीर थमां इस बरे 4 ज्हार 717 तीर्थयात्री हज करगंन- जिंदे चा पैहला बैच 18 अप्रैल गी श्रीनगर अंतराष्ट्री हवाई अड्डे थमां रवाना होग। आकाशवाणी जम्मू दे संवाददाता दी रिपोर्ट मुजब J&K हज कमेटी दे कार्यकारी अधिकारी डॉ शुजात कुरैशी होरें आखेआ ऐ जे 4 ज्हार 716 हज तीर्थ यात्रियें अपनी बुकिंग पूरी करी लैती ऐ। रजिस्ट्रेशन प्रक्रिया पिच्छले बरे अगस्त महीने बंद होई गेई ही। श्रीनगर हवाई अड्डे थमां हज यात्रियें लेई डोआरियां 18 अप्रैल थमां 28 अप्रैल तककर जागंन। अधिकारयें आखेआ जे मर्दे ते महिलायें दे बक्ख-बक्ख रौहने ते खान-पान दा इंतजाम कीता गेदा ऐ।

<><><><><><>

Film Fest

भारत ते श्रीलंका बश्कार सांस्कृतिक ते कूटनीतिक रिश्तें दा जश्न मनाने लेई India Week 2026 दी आकर्शक तौरा पर अज्ज रातीं Colombo च शुरुआत कीती जाग- जेहदे च त्रंऊ दिनें दे Film Festival दी शुरुआत कीती जाग। इस महोत्सव च त्रंऊ भारतीय फिल्में दा प्रीमियर होग। Bollywood फिल्म “Diplomat” दा प्रिमियर अज्ज रातीं होग। धुरंधर फिल्म दा 14 मार्च गी ते तमिल हिट फिल्म पाराशक्ति दा 15 मार्च गी होग।

<><><><><><>

Wall Streat

Wall Streat कल झिगली आई गेई कीजे कच्चे तेल दी कीमतें च 100 अमरीकी डॉलर प्रति बैरल दा उछाल आया ऐ- जेहदे कन्नै मंगाई दी खतरे दी चैंता होर बधी गेई ऐ ते जिन्ने निवेशकें गी Equality बजारें थमां दूर करी दिता ऐ। बडुलै सूचकांक च Nasdaq Composite Index च तकरीबन 1.8 फीसद दी गिरवाट आई ऐ। DOW Jones Industrial च तकरीबन 1.6 फीसद दी गिरावट आई ऐ ते S&P 500 डेढ़ फीसद थमां मती दी गिरावट आई ऐ।

<><><><><><>

a